



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ԱՌԱՋԻՆ ՏԵՂԱԿԱԼ

Երևան-0015, Մ.Խորենացու 3, 7

30.11.2023թ.

Որոշում թիվ 421-2023/14-Ո-1
Վարչական ակտում փոփոխություն կատարելու վերաբերյալ

ՀՀ պետական եկամուտների կոմիտեի կոմիտեի նախագահի 1-ին տեղակալ Արտյոմ Սմբատյանս՝ վերանայելով «ՍՈՍ-ՍԱՔՈ» ՍՊ ընկերության /ՀՎՀՀ՝ 09704349/ տնօրեն Արմեն Սարգսյանի վերաբերյալ վարչական իրավախախտման վարույթի նյութերը՝

Պարզեցի

ՀՀ պետական եկամուտների կոմիտեի նախագահի տեղակալ Կարեն Թամազյանի 30.08.2023թ-ի թիվ 421-2023/14-Ո որոշմամբ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի 2-րդ մասի համաձայն «ՍՈՍ-ՍԱՔՈ» ՍՊ ընկերության /ՀՎՀՀ՝ 09704349/ տնօրեն Արմեն Սարգսյանի նկատմամբ կիրառվել է վարչական տույժ և նշանակվել է տուգանք 500.000 ՀՀ դրամի չափով:

Վարչական վարույթի նյութերի լրացուցիչ ուսումնասիրությամբ պարզվել է, որ Վարչական իրավախախտման վերաբերյալ ՀՀ օրենսգրքի 182.6-րդ հոդվածի 2-րդ մասով տուգանքի նշանակման հիմքում դրվել է այն հանգամանքը, որ ՀՀ պետական եկամուտների կոմիտեի նախագահի տեղակալ Ծովինար Սողոմոնյանի 01.08.2022թ-ի թիվ 65-2022/14-Ո և 01.08.2022թ-ի թիվ 66-2022/14-Ո որոշումներով Արմեն Սարգսյանի /ՀԾՀ՝ 2209740244, ԱՆՁՆ՝ AV0491048, տրված 24.10.2022թ-ին, 001-ի կողմից/ նկատմամբ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի համաձայն կիրառվել են վարչական տույժեր՝ նշանակվելով տուգանքներ համապատասխանաբար 250.000 ՀՀ դրամի և 250.000 ՀՀ դրամի չափով:

Վերոնշյալ վարույթների նյութերի լրացուցիչ ուսումնասիրությամբ պարզվել է, որ դրանք իրականացվել են ոչ թե Արմեն Սարգսյանի, այլև «ՍՈՍ-ՍԱՔՈ» ՍՊ ընկերության /ՀՎՀՀ՝ 09704349/ նախկին տնօրեն (մինչև 09.06.2022թ-ը գործող) Արայիկ Կարապետյանի /ՀԾՀ՝ 3810940267, անձն.՝ AR0208143, տրված՝ 24.02.2017թ-ին, 041-ի կողմից/ նկատմամբ:

Այսինքն առկա են հիմքեր ՀՀ ՊԵԿ նախագահի տեղակալ Կարեն Թամազյանի 30.08.2023թ-ի թիվ 421-2023/14-Ո որոշման մեջ փոփոխություն կատարելու համար:

Հաշվի առնելով վերոգրյալը և ղեկավարվելով «Նորմատիվ իրավական ակտերի մասին» ՀՀ օրենքի 33-րդ, 34-րդ հոդվածներով, «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածի 3-րդ մասով, Վարչական իրավախախտումների վերաբերյալ ՀՀ օրենսգրքի 244²-րդ, 281-րդ հոդվածներով և 282-րդ հոդվածի 1-ին մասով՝

ՈՐՈՇԵՑԻ

1. 30.08.2023թ-ի թիվ 421-2023/14-Ո որոշման «Պարզեցի» մասից հանել 13-րդ, 14-րդ, 15-րդ, 16-րդ, 17-րդ պարբերությունները:

2. Որոշման «Պարզեցի» մասը լրացնել նոր պարբերությամբ՝ հետևյալ բովանդակությամբ.

«ՀՀ պետական եկամուտների կոմիտեի նախագահի տեղակալ Արթուր Մանուկյանի 22.05.2023թ-ի թիվ 105-2023/14-Ո որոշմամբ «ՍՈՍ-ՍԱՔՈ» ՍՊ ընկերության /ՀՎՀՀ՝ 09704349/ տնօրեն Արմեն Սարգսյանի նկատմամբ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի 1-ին մասով կիրառվել է վարչական տույժ, որով նշանակվել է տուգանք 250.000 դրամ գումարի չափով: 22.05.2023թ-ի թիվ 105-2023/14-Ո որոշումը Արմեն Սարգսյանին ծանուցվել է Azdarar.am հրապարակային ծանուցումների պաշտոնական ինտերնետային կայքի միջոցով 07.07.2023թ-ին: Համաձայն Վարչական իրավախախտումների վերաբերյալ ՀՀ օրենսգրքի 283-րդ հոդվածի 4-րդ կետի 2-րդ մասի՝ ...երբ որոշումը տեղադրվում է Հայաստանի Հանրապետության հրապարակային ծանուցումների պաշտոնական ինտերնետային կայքում, ապա որոշումը համարվում է հանձնված (պատշաճ ծանուցված) որոշման մասին ծանուցումն ինտերնետային կայքում տեղադրելու օրվան հաջորդող հինգերորդ օրը: Հաշվի առնելով այն, որ Արմեն Սարգսյանի գույքի վրա արգելանք դնող պաշտոնատար անձի՝ հարկ վճարողի դրամարկղում առկա կանխիկ դրամական միջոցների գույքագրման և ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով կազմված գրությունը Արմեն Սարգսյանին փոստային ծառայության միջոցով ծանուցվել է 08.07.2023թ-ին, այսինքն՝ եթե վարչական իրավախախտման գործի վերաբերյալ 22.05.2023թ-ի թիվ 105-2023/14-Ո որոշումը վերջինիս կողմից ստացված լիներ մինչև 08.07.2023 թվականը՝ գրության ստացումը, վերջինիս կողմից հնարավոր է, որ կդրսևորվեր այլ վարքագիծ, չէր խոչընդոտի պաշտոնատար անձի՝ իր իրավասությունների սահմաններում գործողությունների կատարմանը և սույն գործով հարուցված վարչական վարույթի շրջանակներում հնարավոր է, որ կներկայացներ դրամարկղային գիրքը և մուտքագրված և ելքագրված դրամական միջոցների շարժի վերաբերյալ տեղեկություններ: Ուստի՝ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի 2-րդ մասով սահմանված՝ «Նույն արարքը եթե կատարվել է կրկին կամ յուրաքանչյուր հաջորդ անգամ, վարչական տույժի միջոցներ կիրառելուց հետո՝ մեկ տարվա ընթացքում», պատասխանատվություն կիրառելու հիմքերը բացակայում են»:

3. Որոշման «Որոշեցի» մասը շարադրել հետևյալ բովանդակությամբ՝

Համաձայն Վարչական իրավախախտումների վերաբերյալ ՀՀ օրենսգրքի 182.6-րդ հոդվածի՝ Արմեն Սարգսյանի նկատմամբ կիրառել վարչական տույժ՝ նշանակելով տուգանք 250.000 ՀՀ դրամի չափով:

11/30/2023

X

ԱՐՏՅՈՒ ՍՄԲԱՏՅԱՆ

Signed by: SMBATYAN ARTYOM 3210850416 ԱՐՏՅՈՒ ՍՄԲԱՏՅԱՆ